

## MORGAN, ALFRED PHILLIPS (1857 - 1942), cerddor

**Enw:** Alfred Phillips Morgan  
**Dyddiad geni:** 1857  
**Dyddiad marw:** 1942  
**Rhiant:** Levia Phillips Morgan  
**Rhiant:** David Price Phillips Morgan  
**Rhyw:** Gwryw  
**Galwedigaeth:** cerddor  
**Maes gweithgaredd:** Eisteddfod; Cerddoriaeth; Perfformio  
**Awdur:** Robert David Griffith

Ganwyd 21 Mai 1857 yn Rhymni, mab David Price a Levia Phillips Morgan. Symudodd y teulu i fyw i Bwllgwilym ger Cefn-bedd-Llywelyn, ac yn ddiweddarach i Lanfair-ym-Muallt. Addysgwyd ef yn Ysgol Waddol y dref honno, ac wedi hynny bu am gwrso addysg gerddorol yng ngholeg Aberystwyth o dan Dr. Joseph Parry a chafodd wersi gan Goleg y Tonic Solffa. Enillodd lawer o wobrwyon am gyfansoddi tonau, ac am ganu (bariton) yn yr eisteddfodau. Penodwyd ef yn arweinydd Cymdeithas Gorawl Buallt, ac enillodd y côr yn eisteddfodau cenedlaethol Lerpwl, 1897, a Blaenau Ffestiniog, 1898, ac mewn eisteddfodau pwysig eraill. Cyfansoddodd gerddoriaeth i'r 'Te Deum' a 'Gweddî'r Arglwydd', a bu ei donau, 'Treflys' a 'Dyfed' yn boblogaidd, a phery ei don 'Cefn-bedd-Llewelyn' i gael ei chanu, a'i chynnwys yn yr holl gasgliadau. Ceir anthemau a rhangan o'i waith yn *Y Cerddor*. Dewiswyd ef yn organydd, côrfeistr, a blaenor yn eglwys Bresbyteraidd Alpha, Lanfair-ym-Muallt, a chyflawnodd y swydd hyd ei farwolaeth. O dan ei arweiniad perfformiodd y côr amryw o gyfanweithiau'r meistri. Yr oedd yn aelod o bwyllgor unedig y *Church Hymnary*, ac o Bwyllgor Addysg Sir Frycheiniog. Bu farw 8 Chwefror 1942, a chladdwyd ef ym mynwent Lanfair-ym-Muallt.

### Awdur

**Robert David Griffith**, (1877 - 1958)

### Ffynonellau

*Y Cerddor*, Tachwedd 1898

*Treasury*, June 1942

### Dolenni Ychwanegol

Wikidata: Q20804660

**Dyddiad cyhoeddi:** 1970

**Hawlfraint Erthygl:** <http://rightsstatements.org/page/InC-RUU/1.0/>

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n tudalen codi arian am ragor o wybodaeth.



#### Arddull APA



Griffith, R. D., (1970). MORGAN, ALFRED PHILLIPS (1857 - 1942), cerddor. *Y Bywgraffiadur Cymreig*. Adferwyd 9 Tac 2024, o <https://bywgraffiadur.cymru/article/c2-MORG-PHI-1857>

LGC  
NLW

LLYFRGEL  
THE NATION



Ysgrifeddiadau  
Llywodraeth Cymru  
Copied by  
Welsh Government